

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



বাংলাদেশে যুক্তরাষ্ট্রের রাষ্ট্রদূত ড্যান মজীনা'র বক্তব্য

গণতান্ত্রিক স্থানীয় সরকার ব্যবস্থা শক্তিশালীকরণ প্রকল্প অভিজ্ঞতা বিনিময়

জেলা প্রশাসকের দফতর, শেরপুর
১৯শে জুলাই, ২০১২

মোঃ জাকির হোসেন, জেলা প্রশাসক, শেরপুর

স্থানীয় সরকারের সম্মানিত কর্মকর্তাবৃন্দ, বন্ধুগণ এবং সহকর্মীবৃন্দ

আসসালামু আলাইকুম

জনগণের সরকার, জনগণের দ্বারা সরকার, জনগণের জন্য সরকার...

আমেরিকার সবচাইতে বিখ্যাত প্রেসিডেন্টদের অন্যতম অ্যাভ্রাহাম লিংকন এভাবেই একটি ভালো

সরকারের সংজ্ঞা দিয়েছিলেন।

এই কথাগুলো তিনি বলেছিলেন আজ থেকে ১৫০ বছর আগে...

...কিন্তু আমি মনে করি গণতান্ত্রিক শাসন ব্যবস্থার এই যে বর্ণনা তিনি দিয়েছিলেন... জনগণের সরকার,

জনগণের দ্বারা সরকার, জনগণের জন্য সরকার... আজ এই 'দেড়শ' বছর পরেও তা একই তাৎপর্য বহন করে।

...সেই অভিজ্ঞতাগুলোর কথা স্মরণ করুন যেগুলোর কথা আমরা এখনই শুনলাম।

আমরা শুনলাম একটি উপজেলা, একটি ইউনিয়ন পরিষদ, একটি পৌরসভার নেতৃবৃন্দ এবং নাগরিকদের কথা। স্থানীয় সরকার ব্যবস্থা কার্যকর করে তোলার ক্ষেত্রে তাদের অভিজ্ঞতা তারা নিজেরাই বর্ণনা করলেন।

স্থানীয় সরকার ব্যবস্থা কার্যকর করতে গিয়ে তাদেরকে যে সব চ্যালেঞ্জ মোকাবেলা করতে হয়েছে এবং তারা যে সব সাফল্য লাভ করেছেন সেসব অভিজ্ঞতা তারা আমাদের সাথে ভাগ করে নিলেন। আর সেগুলো অবশ্যই জনগণের সরকার, জনগণের দ্বারা সরকার, এবং জনগণের জন্য সরকার।

অ্যাভ্রাহাম লিংকন বলেননি যে এধরনের সরকার গঠন করা খুব একটা সহজ কাজ হবে। এই কাজ অবশ্যই সহজ নয়...

আমেরিকাতে বিগত দুইশ' বছরেরও বেশি সময় ধরে আমরা আমাদের শাসন ব্যবস্থা নিখুঁত করে তোলার জন্য কাজ করে চলেছি। আর এই কাজ এখনো চলছে... আমরা জানি আমাদের অনেক দূর যেতে হবে। আমার মনে হয় শাসন ব্যবস্থা নিখুঁতভাবে গড়ে তোলার এই সংগ্রাম কখনোই শেষ হবার নয়।

স্থানীয় সরকার ব্যবস্থা শক্তিশালী করার এই কাজে আমেরিকা বাংলাদেশ সরকারের অংশীদার হওয়ায় আমি গর্বিত।

স্থানীয় সরকার ব্যবস্থা শক্তিশালী করণ প্রকল্পে যুক্তরাষ্ট্র-বাংলাদেশের এই অংশীদারিত্বকে আমি গভীর মূল্য দিই। আমি মনে করি এই ক্ষেত্রে যে কাজ হচ্ছে তা আমেরিকা-বাংলাদেশের মধ্যকার অংশীদারিত্বের সবচাইতে ভালো দিকগুলোর একটি।

এই প্রকল্পের উদ্দেশ্য হচ্ছে স্থানীয় সরকার কাঠামোকে আরো শক্তিশালী করা, যেমনটি রয়েছে বাংলাদেশের সংবিধানে।

আমরা ইতিমধ্যেই সংখ্যাটি শুনেছি কিন্তু আমি সেটা আবার বলতে চাই।

গণতান্ত্রিক স্থানীয় সরকার ব্যবস্থা শক্তিশালীকরণ প্রকল্প এই শেরপুরে স্থানীয় সরকারের ১৬টি ইউনিটের সাথে কাজ করেছে।

আর্থিক ব্যবস্থাপনা, রাজস্ব আয় বাড়ানো, বাজেট তৈরি, সেবা প্রদান এবং পর্যবেক্ষণ -- এসব বিভিন্ন ক্ষেত্রে এই প্রকল্পের মাধ্যমে এ পর্যন্ত ২২৪ জন স্থানীয় সরকার কর্মকর্তাকে প্রশিক্ষণ দেয়া হয়েছে।

২০০৯ সালে স্থানীয় সরকার আইন পাশ হবার পর এই প্রকল্প শেরপুরে এ পর্যন্ত ১৬টি 'সরকার ব্যবস্থায় নাগরিক' (সিটিজেন ইন গভর্ন্যান্স) ফোরাম গঠন করতে এখানকার নাগরিকদেরকে সাহায্য করেছে। স্থানীয় সরকার ব্যবস্থায় নাগরিকেরা আরো কতো কার্যকরভাবে সংশ্লিষ্ট হতে পারে সে ব্যাপারেও তাদের প্রশিক্ষণ দেয়া হয়েছে।

এই প্রকল্পকে ধন্যবাদ যে এর মাধ্যমে নাগরিকেরা এবং তাদের স্থানীয় সরকার কৌশলগত পরিকল্পনা উন্নয়ন ও বাস্তবায়নে একত্রে কাজ করছে।

এখন আপনারা বুঝতে পারছেন যে এই গণতান্ত্রিক স্থানীয় সরকার ব্যবস্থা শক্তিশালীকরণ প্রকল্পের জন্য কেন আমার এতো গভীর ভালোবাসা রয়েছে এবং এই প্রকল্পে আমেরিকা ও বাংলাদেশের মধ্যকার অংশীদারিত্বে কেন আমি এতো গর্বিত।

এই প্রকল্পের আওতায় স্থানীয় সরকার বা শাসক এবং শাসিত বা জনগণকে অত্যন্ত গঠনমূলকভাবে
একত্রে আনা হয়েছে আর তা স্থানীয় পর্যায়ে সত্যিকারের গণতন্ত্র গড়ে তুলছে যেমনটি বাংলাদেশের সংবিধানে
বলা হয়েছিল...

...এই প্রকল্পটি, এই শেরপুরে এবং চমৎকার বাংলাদেশের সর্বত্র অ্যাব্রাহাম লিংকনের স্বপ্ন বাস্তব করে
তুলছে...

...আর তা হচ্ছে একটি কার্যকর, গণতান্ত্রিক সরকার গড়ে তোলার স্বপ্ন যে সরকার হবে জনগণের
সরকার, জনগণের দ্বারা সরকার, এবং জনগণের জন্য সরকার...

আমি অত্যন্ত গর্বিত যে আমেরিকা এবং বাংলাদেশের মধ্যকার এই অংশীদারিত্ব স্থানীয় সরকার এবং
নাগরিকদের মধ্যে একটি শক্তিশালী বন্ধন গড়ে তুলতে সাহায্য করছে।

আর আমি বিশ্বাস করি যে এই বন্ধন... যারা শাসিত হচ্ছে তাদের সাথে শাসকদের এই স্থানীয়
অংশীদারিত্ব ...

...বাংলাদেশের জনগণকে অধিকতর ক্ষমতায়িত করবে, তাদের অদ্যম উদ্যম আরো বাড়িয়ে তুলবে,
তাদের সৃজনশীলতা, তাদের গতিশীলতা, তাদের উদারতা, তাদের উদ্যোগাসুলভ দক্ষতা, তাদের টিকে থাকার
ক্ষমতা আরো বাড়াবে...

...আর এর ফলে একটি নতুন বাংলাদেশ, মধ্য আয়ের বাংলাদেশ, সোনার বাংলাদেশ, আগামীর এশিয়ান
টাইগার... বেঙ্গল টাইগার গড়ে উঠতে সাহায্য হবে!

এরকম উৎসাহ উদ্দীপনার মধ্য দিয়ে আমার আজকের দিনটিকে এভাবে উদ্বৃদ্ধ করার জন্য আমি
আপনাদের সকলকে ধন্যবাদ জানাতে চাই।

এখন আমি আগের চাইতেও আরো অনেক বেশি আস্থাশীল যে এই চমৎকার দেশের ভবিষ্যৎ আসলেই
উজ্জ্বল।

আপনাদের সাথে এ বিষয়ে আলোচনার জন্য আমি আগ্রহ নিয়ে অপেক্ষা করছি।

আপনাদের ধন্যবাদ।

=====

* বৃক্তার জন্য প্রস্তুতকৃত

জিআর/২০১২